

Alkitab Anggen Anak Alit

Anak eluh
ane sube
mati buin
idup



Kasurat olih: Edward Hughes

Kaperagayang olih: Janie Forest
Alastair Paterson

Ka tempa saking: Ruth Klassen

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.



Dane Yairus ane dadi pimpinan gereja Yahudi, ane mebakti ring Ida Sang Hyang Widi Wasa lan ngemaang pepelajahan indik sabdan Widi tekenin anak-anak lenan. Risedek dine anu, Yairus ngelah masalah ane ngranayang dene takut pesan.



Okan danene ane luh, umurne mare roras tiban ketiben sakit. Asanane tusing ade anak lakar ane nyidang nyegerang. Sakitne keras pesan. Dane Yairus nawang okane ane luh ento lakar mati.



Tuah ade besik anak ane nyidayang nyegerang okan danene.
Dane Yairus lantasi enggal-enggal ngalih Ida Hyang Yesus tur nunas
mangda Ida Hyang Yesus singgah di umahnyane. Mirib dane Yairus
nawang yen timpal-timpal digerejane tusing lakar nyak
nampi Ida Hyang Yesus.



Sakewala dane tusing
peduli. Ane ade di
pepineh danene tuah
besik, kenken carane
apange okan danene
nyidang seger.



Dane Yairus lantasi ketemu
ring Ida Hyang Yesus,



lantasi metedoh ring
cokor Idane. “Okan
tiange ane luh
mangkin sedengan
sakit, hampir mati,”

Pinunas dane
Yairus apange
Ida Hyang Yesus
ledang rawuh
kepaumahan


danene tur nunas apange
Ida Yesus ngungkulan
tangan Idane ring sirah
okane apange okan
danene seger.





Ida Hyang Yesus raris lunge sareng ring dane Yairus, sakewale tusing ja nyidang enggal-enggal, sawireh liu pesan anak ane ade diilehan Idane. Ade anak luh ane sedeng sakit pendarahan sube roras tiban mekelone. Anak luh ento sube kemo mai ngalih ubad tur sube liu pesan pipisne telah, sakewala tusing masi seger-seger. Anak luh ento dot pesan ketemu ring Ida Hyang Yesus.





Ape ane lakar kelaksanayang anak luh ento?
Di kenehne ia mepineh kene, yen tiang nyidang
ngusud jubah Ida Hyang Yesus pasti je tiang
lakar seger. Ditu lantasan anak ane luh ento
ngaet pesan ngenjuhan limanne, apange ia
nyidang ngusud jubah Ida Hyang Yesus.





Mujisat! mujisat! Anake luh ento seken nyidang seger. Ia nawang yen iye sube seger, siteng lan waras. Sakewala lantasa ade anak ane metakon, “nyen ane ngedengan jubah tiange?” pitaken Ida Hyang Yesus. Makeh pisan anak sane ngusud jubah gurune. Nanging anak luh ane kesegerang ento, nawang sujatine Ida Hyang Yesus dot pesan apange ia ane nuturang indik kesegeran ane sube ketampi. Lantasa jeg enggal-enggal anak luh ento nyeritayang indik mujisate ento ring Ida Hyang Yesus.



Sesubane anak eluh ento nuturan indik kesegeran ane sube ketampi, parekean-parekan dane Yairus teke. Muannyane nyinahang kesedihan ane sube kerasayang, lantas matur ring dane Yairus, “okan druwene ane luh sampun sede.” Mati? Sube telat. Mirib je yening anak luh ane sakit pendarahan ento tusing dadi penghalang, yen ... mati! Okan dane Yairus ane sayang ento sube ngembasin mati.



dugase Ida Hyang Yesus
mirengang kabare ento,
Ida ngandika, “Edeje
jejuh, precaya dogenan,
ia lakar seger!” Sukeh
pesan rasane dane Yairus
seken-seken nyidang
precaya ring pangandikan
Ida Hyang Yesus. Okan
danene sube mati.



Jumahan, makejang anake ngeling, tur nyelselin anak alit ane sube mati ento. Pangandikan Ida Hyang Yesus tekenin anak liu totonan, “anak cerik ene tusing je mati, sakewala ia sedeng pules”. Anak liu ane medihengang pangandikan Ida Hyang Yesus makejang pada ngedekin.



Ida Hyang Yesus lantias nunden makejang anak ane ade di kamare ento apange pesu, raris, Ida ngambil tangan anak alit ento, saha ngandika, “ih nak cerik, bangun je!” Dane Yairus ade ditu, keto masi kurenane. Ade masi sisian Ida Hyang Yesus ajak telu.

Makejang anake ningegang pangandikan Ida Hyang Yesus. Sakewala apeke anak cerik ane sube mati ento medihengehang omongane?



Anak luh cerik ane
sube mati ento
ningehang titah Ida
Hyang Yesus! Roh
nyane mewali, lan
ia gegeson bangun.



Wong atuan anak luh ane cerik ento merase heran. Ida Hyang Yesus nitahang apange anake cerik ento orahine medaar. Makejang anake merasa liang, nyaksiang kuasan la Hyang Yesus ane luar biasa. Sih paswecan lan kewisesan Ida Hyang Yesus sube ngidupang anak luh cerik ane sube mati.



Anak eluh ane sube mati buin idup

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Markus 5; Lukas 8

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

